



"Қазақстан Республикасы Президентінің 2002 жылғы 7 мамырдағы N 865 Жарлығына толықтырулар енгізу туралы" Қазақстан Республикасының Президенті Жарлығының жобасы туралы

Қазақстан Республикасы Үкіметінің 2004 жылғы 1 маусымдағы N 603 қаулысы

"Қазақстан Республикасы Президентінің 2002 жылғы 7 мамырдағы N 865 Жарлығына толықтырулар енгізу туралы" Қазақстан Республикасының Президенті Жарлығының жобасы Қазақстан Республикасы Президентінің қарауына енгізілсін.

Қ а з а қ с т а н Р е с п у б л и к а с ы н ы ң

Премьер-Министрі

Қазақстан Республикасы Президентінің Жарлығы Қазақстан Республикасы Президентінің 2002 жылғы 7 мамырдағы N 865 Жарлығына толықтырулар енгізу туралы

1. Қазақстан Республикасы Президентінің "Қазақстан Республикасы Қарулы Күштерінің медальдары туралы" 2002 жылғы 7 мамырдағы N 865 Жарлығына (Қазақстан Республикасының ПҰАЖ-ы, 2002 ж., N 14, 136-құжат) мынадай толықтырулар енгізілсін:

1-тармақ мынадай мазмұндағы 4) және 5) тармақшалармен толықтырылсын:

"4) "Бітімгершілік операцияларына қатысқаны үшін";

5) "Халықаралық әскери достастықты дамытқаны үшін";

2-тармақ "3" деген саннан кейін "3-1, 3-2" деген сандармен толықтырылсын;

3-тармақ "6" деген саннан кейін ", 6-1, 6-2" деген сандармен толықтырылсын;

осы Жарлыққа 1, 2, 3, 4 қосымшаларға сәйкес 3-1, 3-2, 6-1, 6-2 қосымшалармен толықтырылсын.

2. Осы Жарлық қол қойылған күнінен бастап күшіне енеді.

Қ а з а қ с т а н Р е с п у б л и к а с ы н ы ң

Президенті

Қ а з а қ с т а н Р е с п у б л и к а с ы

П р е з и д е н т і н і ң

2 0 0 4 ж ы л ғ ы " _ _ " _ _ _ _ _ _ _ _

N Ж а р л ы ғ ы н а

1-Қосымша

Қ а з а қ с т а н Р е с п у б л и к а с ы

П р е з и д е н т і н і ң

2 0 0 2 ж ы л ғ ы 7 м а м ы р д а ғ ы

"Бітімгершілік операцияларына қатысқаны үшін" медалінің сипаттамасы

"Бітімгершілік операцияларына қатысқаны үшін" медалі жезден жасалады және диаметрі 34 мм шеңбер нысанында болады.

Медальдің беткі жағында жоғарғы жақта ортада жер шарының бейнесі, төменде - қанатын жайған "бейбітшілік көгершіні" орналасқан. Жиектің жоғарғы ішкі жағында "Бітімгершілік операцияларына қатысқаны үшін" деген жазу орналасқан.

Медальдің тыс жағының ортасында "Қазақстан Республикасының Қарулы Күштері" деген жазу, төменгі жағында - тегіс екі қырлы сәуле шашқан бес бұрышты жұлдыз, күн және қалықтаған қыран орналасқан.

Медальдағы барлық бейнелер, жазулар бедерлі, алтын түстес. Медальдің шеттері е р н е у м е н ж и е к т е л г е н .

Медаль құлақшаның және шығыршықтың көмегімен сол жақ жартысы жасыл түсті, оң жағы Қазақстан Республикасының Мемлекеттік туы түстес жібек муар лентамен қапталған ені 34 мм және биіктігі 50 мм бес бұрыш нысанындағы қалыпқа жалғанады.

Медаль түйреуіштің көмегімен киімге тағылады.

Қ а з а қ с т а н Р е с п у б л и к а с ы

П р е з и д е н т і н і ң

2004 жылғы " _ _ " _ _ _ _ _ _ _ _

№ Ж а р л ы ғы н а

2-Қосымша

Қ а з а қ с т а н Р е с п у б л и к а с ы

П р е з и д е н т і н і ң

2002 жылғы 7 мамырдағы

№ 865 Ж а р л ы ғы н а

3-2-Қосымша

"Халықаралық әскери достастықты дамытқаны үшін" медалінің сипаттамасы

"Халықаралық әскери достастықты дамытқаны үшін" медалі жезден жасалады және диаметрі 34 мм шеңбер нысанында болады.

Медальдің беткі жағының ортасында қылышпен, садақпен, жебелі қорамсақпен және аттың жалынан жасалған шашақпен безендірілген ұзын найзамен айқастырылған қалқанның бейнесі, төменгі жағында - "қол алысу" нышаны орналасқан. Жиектің жоғарғы ішкі жағында "Халықаралық әскери достастықты дамытқаны үшін" деген жазу о р н а л а с қ а н .

Медальдің тыс жағының ортасында "Қазақстан Республикасының Қарулы Күштері" деген жазу, төменгі жағында - тегіс екі қырлы сәуле шашқан бес бұрышты жұлдыз, күн және қалықтаған қыран орналасқан.

Медальдағы барлық бейнелер, жазулар бедерлі, алтын түстес. Медальдің шеттері ернеумен жиектелген.

Медаль құлақшаның және шығыршықтың көмегімен Қазақстан Республикасының Мемлекеттік туы түстес жібек муар лентамен қапталған ені 34 мм және биіктігі 50 мм бес бұрыш нысанындағы қалыпқа жалғанады. Оған солдан оңға қарай қараушы жағынан ортасында қалыңдығы 4 мм-ден ақ, сары және жасыл түсті үш жіңішке жолақ жүргізіледі. Жолақтардың ара қашықтығы - 2 мм.

Медаль түйреуіштің көмегімен киімге тағылады.

Қ а з а қ с т а н Р е с п у б л и к а с ы
П р е з и д е н т і н і ң
2 0 0 4 ж ы л ғ ы " _ _ " _ _ _ _ _ _ _ _
N Ж а р л ы ғ ы н а

3-Қосымша

Қ а з а қ с т а н Р е с п у б л и к а с ы
П р е з и д е н т і н і ң
2 0 0 2 ж ы л ғ ы 7 м а м ы р д а ғ ы
N 8 6 5 Ж а р л ы ғ ы н а

6-1-Қосымша

"Бітімгершілік операцияларына қатысқаны үшін"

медалімен наградтау

Ережесі

1. "Бітімгершілік операцияларына қатысқаны үшін" медалі Қазақстан Республикасы Президентінің Жарлығымен тағайындалады.

2. "Бітімгершілік операцияларына қатысқаны үшін" медалімен Қазақстан Республикасының шегінен тыс жүргізілетін бітімгершілік операцияларына қатысқан Қазақстан Республикасы Қарулы Күштерінің, ұлттық қауіпсіздік органдарының, басқа да әскерлері мен әскери құралымдарының әскери қызметшілері, сондай-ақ басқа да адамдар мен басқа мемлекеттердің азаматтары наградталады.

3. "Бітімгершілік операцияларына қатысқаны үшін" медалімен наградтау туралы өтініштерді ұсыну және қарау тәртібін Қазақстан Республикасы Қарулы Күштерінің, Ұлттық қауіпсіздік комитетінің, басқа да әскерлері мен әскери құрылымдарының бірінші басшылары айқындайды.

4. Қазақстан Республикасы Президентінің атынан "Бітімгершілік операцияларына қатысқаны үшін" медалін тапсыруды Қазақстан Республикасы Қарулы Күштерінің,

Ұлттық қауіпсіздік комитетінің, басқа да әскерлері мен әскери құралымдарының бірінші басшылары, әскери бөлімдердің командирлері, соның ішінде командирлер мен бастықтар (әскери басқару органдарының, мекемелердің, әскери оқу орындарының), жергілікті әскери басқару органдарының бастықтары (әскери комиссарлар) жүргізеді.

5. Әрбір наградталған адамға медальді тапсырумен бір мезгілде тиісті куәлік беріледі.

6. "Бітімгершілік операцияларына қатысқаны үшін" медалі наградталған адамдарға бітімгершілік операцияларына қатысқан бөлімшелердің командирлері жасаған және бекіткен тізімдердің негізінде тапсырылады.

7. "Бітімгершілік операцияларына қатысқаны үшін" медалі кеуденің сол жақ өңіріне "Мінсіз қызметі үшін" медалінен кейін тағылады, аталған медальға лента "Мінсіз қызметі үшін" медалінің лентасынан кейін жалпы планкада орналасады.

Қ а з а қ с т а н Р е с п у б л и к а с ы

П р е з и д е н т і н і ң

2 0 0 4 жылғы " _ _ " _ _ _ _ _ _ _ _

№ Ж а р л ы ғ ы н а

4-Қосымша

Қ а з а қ с т а н Р е с п у б л и к а с ы

П р е з и д е н т і н і ң

2 0 0 2 жылғы 7 мамырдағы

№ 8 6 5 Ж а р л ы ғ ы н а

6-2-Қосымша

"Халықаралық әскери достастықты дамытқаны үшін" медалімен наградтау Ережесі

1. "Халықаралық әскери достастықты дамытқаны үшін" медалі Қазақстан Республикасы Президентінің Жарлығымен тағайындалады.

2. "Халықаралық әскери достастықты дамытқаны үшін" медалімен халықаралық әскери ынтымақтастықты дамытуға және жауынгерлік достастықты нығайтуға сіңірген еңбегі үшін Қазақстан Республикасы Қарулы Күштерінің, ұлттық қауіпсіздік органдарының, басқа да әскерлері мен әскери құралымдарының әскери қызметшілері, сондай-ақ басқа да адамдар мен басқа мемлекеттердің азаматтары наградталады.

3. "Халықаралық әскери достастықты дамытқаны үшін" медалімен наградтау туралы өтініштерді ұсыну және қарау тәртібін Қазақстан Республикасы Қарулы Күштерінің, Ұлттық қауіпсіздік комитетінің, басқа да әскерлері мен әскери құралымдарының бірінші басшылары айқындайды. Медальмен қайтадан наградтау жүргізілмейді.

4. Қазақстан Республикасы Президентінің атынан "Халықаралық әскери достастықты дамытқаны үшін" медалін тапсыруды Қазақстан Республикасы Қарулы Күштерінің, Ұлттық қауіпсіздік комитетінің, басқа да әскерлері мен әскери құралымдарының бірінші басшылары, әскери бөлімдердің командирлері, соның ішінде командирлер мен бастықтар (әскери басқару органдарының, мекемелердің, әскери оқу орындарының), жергілікті әскери басқару органдарының бастықтары (әскери комиссарлар) жүргізеді.

5. Әрбір наградталған адамға медальді тапсырумен бір мезгілде тиісті куәлік беріледі.

6. "Халықаралық әскери достастықты дамытқаны үшін" медалі кеуденің сол жақ өңіріне "Бітімгершілік операцияларына қатысқаны үшін" медалінен кейін тағылады, аталған медальға лента "Бітімгершілік операцияларына қатысқаны үшін" медалінің лентасынан кейін жалпы планкада орналасады.

РҚАО-ның ескертуі: Медаль эскиздерінің суретін қағаз мәтінінен қараңыз.